



## Universitätsbibliothek Paderborn

**Consolator Fidelis Et Proficientis Animæ seu  
Exhortatiunculæ Spirituales Et Succinctæ In singulas  
Dominicas & Festa anni divisæ, quibûs Confessarius in S.  
tribunali animam Deum verè quærerentem paternè ...**

**Eisvogel, Veremund**

**Augustae Vindelic., 1727**

Die 6. S. Brunno

[urn:nbn:de:hbz:466:1-52716](#)

172 VI. Octobris. S. Brunonis.

sione, & accuratâ mentis recollectione  
veneremur, pro beneficio vocationis  
addituri psalmum: *Benedic anima mea  
Domino. Beati mundo corde, qui  
am Deum, & sanatos videbunt.*

Festum S. Brunonis Fundato-  
ris Carthusianorum Fœcundissimi,

EXHORTATIUNCULA I.

**O** Chare! si & nos nosceremus,  
quanta suavitas in vita solitaria,  
profectò desertis urbibus, mundi abje-  
ctis omnibus pompis & deliciis convo-  
laremus ad eam! In hac mundus saluti  
nostræ infensissimus profligatur. In  
hac nihil ad peccatum; Ad virtutem, &  
sanctimoniam verò pelliciunt omnia.  
O si vel hodie S. Bruno nos in sui, & suo-  
rum traheret exemplum, & sequelam!  
Jucundius nihil in orbe terrarum, quam  
solum cum solo colloqui Christo!

*Instructio meritoria.*

Ne fiat, fortè retrahit corpus? Aut  
mundi amor? Sed dirumpamus hac  
vincula, & ut solidè, in honorem S. P.  
Brunonis abstineamus ab una, vel occa-  
sione



sione alterâ, ubi mens, & animus posset dissolvi periculosisius. Hujus autem loco visitemus Deum in templo Eucharisticum, qui dulciora ad cor loquetur, quâm vanus homo. Fiat! Fiat! O fili! Ne cor dividatur inter Jesum & mundum. Solitarii oremus hymnum ex festo dedicationis Ecclesiæ: *Urbs Jerusalem beata, dicta pacis visio &c.*

## II.

S. Brunoni non sufficiebat, solitariâ vita profligasse mundum. Perpetuô insuper ciliciô carnem aggreditur petulantissimam. O Bone fili! Ne tantum nos amemus, ut credamus, pœnitentiam solis convenire sanctis. Nos indigemus maximè, quia adhuc delicati, & molles. Odium erga inimicos prohibuit Deus; erga corpus & carnem, mandat & imperat. Qui odit animam suam in hoc mundo, in vitam æternam custodit eam.

*Instrucción meritoria.*

O quâm multa, & magna sunt peccata nostra! Quâm modica verò pro his satisfactio, & pœnitentia! Mulcemus cor-

corpora tot malorum instrumenta. Si cilicia, si flagella, si jejunia, aut vigilia nobis non placent; id saltem amore lautaris agamus pœnitentiæ, ut hodie in omnibus adversis, & naturæ contrariis nos Divinæ voluntati conformemus cum dicto: *Domine! digna factis recipio. Tibi honor & gloria.* Amor mortificationis ut regnet in membris nostris, flectentes coram Crucifixo oremus officium de quinque SS. Vulneribus. Dabitur! Ecce! jam aperta sunt in hominis obsequia.

## III.

**S.** Bruno nec diabolo cessit, imò solis stravit precibūs. His quis locus opportunior solitudine. Huc fugiamus, ut inferorum evadamus laqueos. Vidi mus satīs contradictionem, scandala, alia que centena peccandi pericula in Babylon, corruptō sāculo. O si nos tandem cum Davide resloveremus dicendo: *Ecce! elongavi fugiens, & manū in solitudine.*

*Instructio meritaria.*

Sed de loco quārimus? Ubique nobiscum

biscum est. Ambulemus in devota re-collecione mentis, & præsentia Dei : Et erimus in solitudine cum Deo. Caveamus, ne nos negotiis immisceamus alienis, aut dispositionibus ad nos nihil pertinentibus. Inde summa, & continua animi, & mentis turbatio. Pro incremento Ordinis florentissimi, & Ecclesiæ saluberrimi unam offeramus SSS. Trinitati Sacramentalem Communionem. Oremus pro filiis : Et orabit S. Bruno pro devotis clientibus.

Festum S. Francisci Borgiæ Inclytæ Societatis Jesu Generalis Humiliæ.

EXHORTATIUNCULA I.

**D**ux hic Gandiæ mortuum vidit Isabella Imperatricis cadaver : Jam mundi deserit vanitatem, aulam contemnit, & sanctiorem vitam decernit. Cur tam rara in nobis mortis recordatio, & memoria ? Fili ! & hoc ideo, quia ad Dominum nolumus converti serio. In morte optabimus : sed non dabitur. Væ imparatis ! Justo Dei judicio accidit,

ur,